

VENDIM
Nr. 82/2014

PËR NGRITJEN E KOMISIONIT HETIMOR TË KUVENDIT PËR VERIFIKIMIN E
LIGJSHMËRISË SË EMËRIMEVE NË DETYRË NË ADMINISTRATËN
SHTETËRORE, ENTET PUBLIKE APO SHOQËRITË TREGTARE SHTETËRORE

Në mbështetje të nenit 77 të Kushtetutës, të neneve 8 dhe 9 të ligjit nr. 8891, datë 2.5.2002, “Për organizimin dhe funksionimin e komisioneve hetimore të Kuvendit“, dhe nenit 25 të Rregullores së Kuvendit, si dhe në zbatim të vendimit nr. 30, datë 16.5.2014 të Gjykatës Kushtetuese,

KUVENDI
I REPUBLIKËS SË SHQIPËRISË

VENDOSI:

I. Ngrihet komisioni hetimor parlamentar për shqyrtimin e kërkesës së një grupi deputetësh të Partisë Demokratike “Për verifikimin e ligjshmërisë së emërimeve në detyrë, të realizuara gjatë periudhës 15 shtator 2013 - 31 maj 2014 në administratën shtetërore, entet publike apo shoqëritë tregtare shtetërore”.

II. Komisioni ka si qëllim që, nëpërmjet verifikimit të ligjshmërisë së emërimeve në detyrë, të realizuara gjatë periudhës 15 shtator 2013 - 31 maj 2014 në administratën shtetërore, entet publike apo shoqëritë tregtare shtetërore, të evidentojë problematikat përkatëse dhe të japë rekomandime, të nxjerrë përgjegjësitë institucionale, nevojën e ndryshimeve apo miratimeve ligjore dhe, sipas rastit, njoftimin e prokurorisë për marrjen e masave ligjore.

III. Objekt i veprimtarisë së komisionit është “Verifikimi ligjshmërisë së emërimeve në detyrë në administratën shtetërore, entet publike apo shoqëritë tregtare shtetërore”.

Nuk mund të jenë objekt i veprimtarisë së këtij komisioni, çështje, për të cilat gjykata është shprehur me një vendim të formës së prerë, apo çështje të cilat janë në proces gjykimi.

IV. Komisioni hetimor përbëhet nga 9 anëtarë, 5 anëtarë nga shumica parlamentare dhe 4 anëtarë nga opozita. Kryetari i komisionit i takon grupit të deputetëve nismëtarë dhe zëvendëskryetari i takon shumicës parlamentare. Emrat e anëtarëve të tij përcaktohen me vendim të Kuvendit.

V. Komisioni e ushtron veprimtarinë e tij në një afat prej 2 (dy) muajsh nga data e miratimit të tij.

VI. Ngarkohet Kryetari i Kuvendit dhe Sekretari i Përgjithshëm për krijimin e kushteve të punës dhe mbështetjen logjistike të veprimtarisë së këtij komisioni hetimor.

VII. Me miratimin e këtij vendimi, shfuqizohet vendimi nr. 40/2014 i Kuvendit.

VIII. Ky vendim hyn në fuqi menjëherë.

KRYETARI
Ilir Meta

Miraturar në datën 23.10.2014